



Broj: 01-05-3490/18-AP-8

Datum: 28.12.2018. godine

Na osnovu člana 2.12 stav Izbornog zakona Bosne i Hercegovine („Službeni glasnik BiH“, broj: 23/01; 7/02; 9/02; 20/02; 25/02; 4/04; 20/04; 25/05; 52/05; 65/05; 77/05; 11/06; 24/06; 32/07; 33/08; 37/08; 32/10; 18/13, 7/14 i 31/16), Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (prečišćeni tekst), („Službeni glasnik BiH“, broj: 29/18) i člana 1. Odluke o raspisivanju javnog oglasa za imenovanje članova Općinske izborne komisije Zavidovići, broj: 01-05-3490/18-AP-7 od 28.12.2018. godine, Općinsko vijeće Zavidovići na 28. sjednici održanoj dana 28.12.2018. godine, objavljuje

## JAVNI OGLAS

za imenovanje članova Općinske izborne komisije Zavidovići

### I.

Objavljuje se javni oglas za imenovanje dva člana Općinske izborne komisije Zavidovići.

Člana Općinske izborne komisije Zavidovići imenuje Općinsko vijeće, uz saglasnost Centralne izborne komisije BiH na period od 7 (sedam) godina, koji traje od dana dobijanja saglasnosti.

Kandidati za člana Općinske izborne komisije moraju ispunjavati opće uslove:

1. Član Općinske izborne komisije je osoba sa pravom glasa;
2. Član Općinske izborne komisije je osoba sa odgovarajućom stručno spremom i iskustvom u provođenju izbora.

### II.

(1) Pored općih uslova iz tačke I. ovog Oglasa, osoba koja je kandidat za člana Općinske izborne komisije mora ispunjavati slijedeće posebne uslove:

- a) da ima prebivalište na području općine Zavidovići,
- b) da ima završen pravni fakultet, VII/1 stepen stručne spreme ili završen fakultet Bolonjskog sistema studija sa završenim 180 ETCS,
- c) da posjeduje iskustvo u provođenju izbora.

(2) Pod iskustvom u provođenju izbora podrazumijeva se:

- a) članstvo u izbornoj komisiji,
- b) članstvo u biračkom odboru na izborima obuhvaćenim Izbornim zakonom BiH.

(3) Izuzetno od odredbe tačka II. a) član izborne komisije može biti osoba sa prebivalištem iz druge općine, ukoliko nema kandidata, sa prebivalištem u općini za koju se imenuje izborna komisija, koji ispunjava uslove tražene javnim oglasom.

(4) Izuzetno od odredbe tačka II. (1) c) član izborne komisije može biti osoba koja ima VII/1 stepen stručne spreme, završen pravni fakultet, odnosno završen pravni fakultet Bolonjskog sistema s najmanje 180 ETCS, bez izbornog iskustva propisano tačkom II. (2).

### III.

(1) Sastav Općinske izborne komisije treba biti multietničan, tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou.

(2) U sastavu Općinske izborne komisije nastojat će se obezbijediti zastupljenost polova u skladu sa Zakonom o ravnopravnosti polova u Bosni i Hercegovini.

#### IV.

Za člana Općinske izborne komisije po članu 2.3 Izbornog zakona BiH ne može biti imenovano lice:

1. koje se ne može kandidovati u smisli odredbi člana 1.6., 1.7. i 1.7a Izbornog zakona Bosne i Hercegovine,
2. koje je član najvišeg izvršno – političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora),
3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12. stav 4. Poglavlja II Izbornog zakona Bosne i Hercegovine,
4. koje je kandidat za izbor za bilo koji nivo vlasti,
5. kojem je izrečena kazna za radnju koja predstavlja težu povredu izbornog zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Za člana Općinske izborne komisije po članu 2.12 stav (7) Izbornog zakona BiH ne može biti imenovana osoba koja je zastupnik, odnosno punomoćnik političkog subjekta, koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže.

#### V.

Uz prijavu na javni oglas potrebno je dostaviti slijedeću dokumentaciju:

1. kraću biografiju sa ličnim podacima kandidata (ime, prezime, ime oca, jedinstveni matični broj, tačna adresa, broj telefona za kontakt),
2. ovjerenu diplomu o stečenoj stručnoj spremi kandidata,
3. dokaz o izbornom iskustvu kandidata u provođenju izbora, (dokaz o izbornom iskustvu mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost),
4. uvjerenje o prebivalištu (obrazac PBA-3), izdato od strane nadležnog organa, na starije od tri mjeseca,
5. izjavu o nacionalnom izjašnjenju kandidata - imenovanog člana izborne komisije sa posljednjeg popisa stanovništva u BiH, svojeručno potpisanu i ovjerenu od nadležnog organa,
6. svojeručno potpisanu i od nadležnog organa ovjerenu izjavu o nepostojanju smetnji iz tačke IV. ovog Javnog oglasa (u smislu odredbe član 2.3 Izbornog zakona BiH) - *obrazac izjave se nalazi u prilogu Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini (prečišćeni tekst)*, („Službeni glasnik BiH“, broj: 29/18).

#### VI.

Dokumenti koji se prilažu uz prijavu moraju biti original ili ovjerene kopije.

Javni oglas će se objaviti u dnevnim novinama „Oslobođenje“ i na web stranici Općine Zavidovići [www.zavidovici.ba](http://www.zavidovici.ba) i oglasnoj ploči Općine Zavidovići.

Rok za podnošenje prijave je 8 dana od dana objave u dnevnim novinama „Oslobođenje“.

Prijavu sa potrebnom dokumentacijom treba dostaviti lično ili preporučenom poštom na adresu: **OPĆINA ZAVIDOVIĆI - Konkursna komisija, Ul. Safvet bega Bašagića, bb. 72220 Zavidovići, sa naznakom “Javni oglas za imenovanje dva člana Općinske izborne komisije - NE OTVARAJ”.**

Nepotpune i neblagovremene prijave neće se uzimati u razmatranje.

Proceduru izbora kandidata provest će Konkursna komisija.

PREDSJEDAVAJUĆI  
OPĆINSKOG VIJEĆA  
Redžo Seferović